

# 卷尾

書名 烏鼠山人小集十六卷後集二卷 嘉靖十八年刊本  
 撰者 明 胡纘宗 撰  
 卷 卷尾  
 內容分類 集- 別集- 明中葉  
 索書號 集部- 別集- 7- 40  
 編號 D7433900

[彩色首頁1](#)  
[彩色首頁2](#)

[東洋文化研究所漢籍目錄 編號: D7433900](#)  
[東洋文化研究所漢籍目錄所藏漢籍善本全文影像資料庫 索書號: 集部- 別集- 7- 40](#)  
[漢籍善本全文影像資料庫文本烏鼠山人小集十六卷後集二卷 嘉靖十八年刊本](#)  
 版權所有: [東京大學](#) [東洋文化研究所](#)  
[使用上的注意事項](#)

鳥鼠山人後集卷之一

古體四言 長短句附

諸子胡祕 諸生關畿校

我結

贈籍野馬翁以進也翁 肅府引禮舍人

我廬于籍之西嶓山連阜天水循谿秋空倚  
 野杖藜澄波鯉躍修竹鸞棲我觴我友于籍

我社于籍之東西望義闕北眺軒宮卦爻穆



句讀輒畏難而止近於青兗之間輿上輒不揣擬  
得漢樂府百九十首陋若曹鄴涯翁之門且不敢  
望况漢邪然亦一時意興爾夫漢樂府皆奏之郊  
廟播之鼓吹至若相和又有清平瑟瑟四調其格  
與調又皆意在言外固三百篇之餘也魏繆襲晉  
傅玄已不得其本旨况元鐵厓邪近始見楊本無  
問格調與漢不同開卷見辭旨即與漢殊矣然漢  
去三百篇不遠後世去漢遠無怪其不類也敢併  
請于大雅君子門下俯教之即調從朱鷺矣

鳥鼠山人集跋

不佞盛時承乏而令秦安凡二年於茲  
矣嗟嗟秦安何地邪零露荒煙千山一  
洗重以甲馬蹂踐陵谷震疊磔磔飛鴻  
可賦也洎蜂衙雉堞荆棘瓦礫不佞目  
擊而心傷誠恐下辜民依上負

帝簡惴惴乎飲冰焉蒿目鞅掌厥可舉者約  
畧次第舉矣所媿心者幽未顯滯未起  
爾夫人生三不朽業立德立功立言既



令厥土而厥土有有德而未顯有功而未遂有言而未彰是亦當事之過也不佞時令秦而秦之宜顯宜遂而宜彰者亦安能辭其責若以垂成之事而幾墮之不佞時實應且憎秦故太史可泉胡老先生厥所由來詳之叙矣不煩殫述其文集行諸世者有烏鼠山人集擬古樂府擬漢樂府而唐雅雍音蓋其選也有可異者綠林辛螿城郭人民焦土可

憐而諸集棗梨無恙何故也哉意者文章一道水不濡火不爇有神行乎其間邪胡先生自此遠矣洵不朽矣不佞簿書之餘篝燈披玩烏鼠集有散落者二十餘幅乃為之捲卷而長太息曰胡先生之文之行世也幾乎雲漢之倬爾可聽其散落邪夫狐腋之裘而半幅未完未免有虧缺之憾先生之文祇狐腋之裘哉不佞實式有心而謀諸其為後者



貲且不給宜柰何於是捐奉金購棗梨  
詣剗剗而壽梓焉設有客來問不佞曰  
其人往矣紙上說鈴祇堪覆瓿况公官  
於秦甌實生塵安庸此多事為不佞將  
為之荅曰胡先生之在昔也有德在躬  
有功在民而德若功又見諸言三不朽  
孰大於是人有不朽之業而不佞還之  
以不朽多事也乎哉濡毫謹跋以告文  
章一道中之有心人曰非多事也

世龍成童舞象時已知有

胡老師之名初不知其為何許人洎世龍學  
官秦庠始知其為秦安人也購索三集  
得鳥鼠游古擬漢諸書夫盲瞽不可與  
言日亦與之捫盤而已世龍為之執鞭  
亦云欣慕敢有軒輊於其間哉他集無  
恙獨鳥鼠集落燼者廿幅有奇心雅欲  
其補葺而力實未逮共遇

周老太人振廢舉墜未可更僕而首及於茲



捐俸梓補且竣矣今而後

胡老師無缺事也所以能使事無缺者伊誰  
之力政不得不為

周老大人加額爾本庠諸友有義激推贊而

襄厥後者吳昭等本族胡獻琛胡公澤等在世

龍雖無所事亦曰與聞之矣何得無

贊

澄城縣舉人署秦安縣儒學教諭路世

龍頌首謹贊

補刊鳥鼠集助贊姓氏

恩貢生宋師聖 路坦然

後學孫丕顯 吳昭 孫大業 王 皞

王開運 鄧君寵 成日新 高占鰲

吳宗姬 傅龍光 徐世麟 蔡啓龍


徐世節 孫為南 宋澄 宋濟

巨公佐 徐以新 孫富業 周文郁

成惠吉 路鳳朝



所入  
圖書



初子月步女氏

